

Samstarfssamningur

Skátafélagið Svanir og Garðabær

Skátafélagið Svanir og Garðabær kt. 570169-6109 gera með sér eftirfarandi samstarfssamning um framkvæmd skátastarfs á félagssavæði Svana í Garðabæ.

1. gr.

Tilgangur og markmið

Með samningi þessum er kveðið á um gagnkvæmar skyldur samningsaðila um útfærslu á tómsundastarfi í Garðabæ.

Skátafélagið Svanir er sjálfstætt félag og starfar samkvæmt eigin lögum ásamt lögum og markmiðum Bandalags íslenskra skáta. Hlutverk félagsins er m.a. að efla og þroska börn og ungt fólk til að verða sjálfstæðir, virkir og ábyrgir einstaklingar í samfélaginu. Skátafélagið Svanir skal hafa það að markmiði í starfsemi sinni að bjóða börnum og unglingum af öllum kynjum skipulagt skátastarf undir leiðsögn vel menntaðra og hæfra leiðbeinenda þar sem lýðheilsa og forvarnargildi skátastarfs er höfð að leiðarljósi. Garðabær skal treysta fjárhagslegan rekstrar- og starfsgrundvöll félagsins með beinum fjárframlögum.

2. gr.

Framlög Garðabæjar

Garðabær greiðir Skátafélaginu Svönum kr. 6.100.000.- sem árlegt framlag samkvæmt greiðsluáætlun sem fjármálastjóri Garðabæjar gerir í umboði bæjarstjóra og í samvinnu við íþróttafulltrúa og félagsforingja Svana. Félagið skal ráðstafa fjárframlögum bæjarins til eftirfarandi starfsemi sinnar;

Rekstrarstyrkur

Vegna almenns rekstrar á skrifstofu

Útilífs- og sumarnámskeiða

Vegna reksturs námskeiða

Þjálfunarnámskeið fyrir foringja

Vegna námskeiða til að þjálfa upp foringja í félagsstarfinu.

3. gr.

Samskipti aðila

Aðalstjórn Skátafélagsins Svana annast samræmingu á starfsemi félagsins. Garðabær tryggir að erindi sem berast bænum með öðrum hætti en frá aðalstjórn Svana verði ekki tekin til umfjöllunar í nafni félagsins.

Íþrótt- og tómsundaráð Garðabæjar kemur fram fh. Garðabæjar varðandi nánari framkvæmd samnings þessa og annast íþróttafulltrúi dagleg samskipti við skátafélagið varðandi framkvæmd samningsins.

Félagsforingi kemur fram fh. Svana við Garðabæ varðandi dagleg samskipti og nánari framkvæmd samnings þessa.

Skátafélagið Svanir einsetur sér í starfi sínu að uppfylla öll gæðaviðmið Bandalags Íslenskra skáta. Samvinna skal vera á milli Svana og íþrótt- og tómsundaráðs Garðabæjar um stefnumörkun í skátastarfinu þar sem m.a. verði komið inn á áherslur og markmið beggja

aðila t.d. varðandi hugsanlega þátttöku Svana í samfelldum skóladegi barna og unglinga. Aðilar skulu sameiginlega taka afstöðu til árangurs af starfsemi félagsins.

4. gr.

Ábyrgð aðalstjórnar Skátafélagsins Svana

Félagsforingi í umboði aðalstjórnar skal bera ábyrgð á fjármálastjórn félagsins og tryggja það að bókhald sé reglulega og réttilega fært.

Allir styrkir og framlög Garðabæjar greiðast til aðalstjórnar og annast félagsforingi frekari ráðstöfun greiðslna í samræmi við samþykkt rekstrar- og fjárhagsáætlunar félagsins.

Aðalstjórn Skátafélagsins Svana ber ábyrgð á skuldbindingum félagsins og tryggir að skuldbindingar séu í samræmi við áætlanir og samþykktir aðalstjórnar.

Garðabær gerir þær kröfur að leiðbeinendur séu með tilskilda þekkingu eða menntun. Leiðbeinendur þurfa að undirrita samning við skátafélagið um að vera til fyrirmyndar í stundvísi, framkomu og annan hátt er að starfseminni lýtur. Allir sem koma að starfi með æskufólki á vegum félagsins þurfa að uppfylla skilyrði æskulýðslaga um hreint sakavottorð.

Félagið skal við framkvæmd samningsins huga sérstaklega að því að mæta þörfum barna og ungmenna með fatlanir í samræmi við stefnu Garðabæjar í málefnum fatlaðs fólks. Jafnframt skal félagið vinna jafnréttisáætlun sem taka skal mið af jafnréttisáætlun Garðabæjar og skipuleggja starf sitt með þarfir og hagsmuni allra kynja í huga. Félaginu ber einnig að taka tillit til forvarnarstefnu Garðabæjar við skipulag starfsemi sinnar og framkvæmd viðburða.

5. gr.

Upplýsingaskylda Skátafélagsins Svana

Aðalstjórn Skátafélagsins Svana ber ábyrgð á rekstri félagsins og skuldbindur sig til að leggja fram gögn um fjárhagsleg málefni félagsins hverju sinni eftir því sem óskað er eftir að hálfu fulltrúa Garðabæjar.

6. gr.

Endurskoðunarákvæði og gildistími

Samningur þessi gildir fyrir árið 2019

Samningsaðilar skulu á árinu 2020 endurskoða samning þennan með það að markmiði að nýr samningur taki gildi í upphafi árs 2020 til 2022.

Garðabæ,

Fyrir hönd bæjarstjórnar Garðabæjar

Fyrir hönd Skátafélagsins Svana:

Gunnar Einarsson,
bæjarstjóri

Arnór Bjarki Anarson Svarfdal,
félagsforingi